



13. juli 2020

UKA 2020/72

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq saqqummiuppara:

Atuarfeqarneq ilinniartitaanerlu pillugit aaqqissuusseqqinneq pillugu nassuiaammik Inatsisartut UPA2021-imi ataatsimiinissaanni saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaatur siunnersuut.

(Inatsisartunut ilaasortaq Jens NapätôK', Partii Naleraq)

Tungavilersuut:

Atuartitaaneq ilinniartitaanerlu pitsaanerpaaq anguniarlugu sinaakkusersuinissarput aatsaat taama pingaaruteqartigaaq. Inuiaat kalaallit nunap inui nunarsuarmioqataalersimavugut nunatsinni qallunaat kalaallillu kisiisa silarsuaarariunnaarlugit inissisimalersimalluta. Taamaammat meeqqat atuarfiata naleqqussartuarluni ingerlalluarnissaa pisariaqaannarani pingaaruteqarluinnarpoq. Aammattaaq pigaaruteqarluinnarpoq meeqqat atuarfiata, ilinniarfiit ingerlaqqiffiusut, inuussutissarsiornermilu suliffeqarfiit akornanni ataqatigiilluarnissaq ikaarsaariarfiit tamarmik imminnut naapertuunnerunissaat angujumallugu. Aap ilinniarsimaneq pingaaruteqaaq pingaarnerpaavorli ilikkarsimaneq.

Taamaakkaluartoq suli atuarfimmitt soraarummeerlutik anisartut ingerlariaqqinnissaminnut periarfissaqanngitsut kisitsinngorlugit amerlavallaarujussuarput. Ilinniartitaanerput aammalu inuiaqatigiinni ineriartornitsinni meerartatsinnut aammalu ilinniarfinnut piumasaqaatigut atuagarsornerinnarmut tungavallaalersimanginnerpat? Qaffasissumik anguniagaqarneq ajunngilluinnarpoq, kisianni inuiaqatigiinni aamma pisariaqartitat allat nunap inuinit naleqqussaaffigalugit taamatullu nunarsuarmioqatitsinnut unammillersinnaasumik inissisimanerunissaat anguniartuartariaqarput, taamaammallu aaqqissuusseqqinnerit assigiinngitsut ullutsinnut naleqqussakkat pinngitsoorsinnaangilagut.

Maannakkut kalaallit nunatsinni ilinniartitaanikkut killiffeqarnitsinni meeqqat atuarfianiit anisartut inuusuttullu ilinniarfiinut ingerlaqqittartut eqqarsaatigalugit inuusuttorpassuit ingerlaqqigatik tusind-it arlaqartut suliffeqaratillu ilinniarnermik ingerlatseqqissimangitsut uningaannalersimasut inuiaqatigiinni kinguariit nikittarnerani annaasavut amerlavallaalereerput, tamannalu qanoq iliuuseqarnaveersaernerup kinguneraa, tamanna ajoraluaqaaq, ingerlariaqqittariaqarpugulli.



Partii Naleqqamiit isumaqarpugut inuiaqatigiinni taamatut imminut pilersortussaannermik aammalu inuiaqatigiinni suleqataallutik kivitseqataanissamut peqataajunnaarsimasunut suna peqqutaanersoq sukumiisumik qulaajaaffigisariaqartoq, aammalu qanoq iliuuseqarnikkut inuiaqatigiinni nukiit inuusuttut taakku pigisaat pisariaqartitagit aqcutissiuullugit suleqataalernissaannut nammaqataalernissaannullu aqcutissiuttariaqarivut.

Inuiaqatigiit ineriartornitsinni katataasartut isiginngitsuusaaginnarsinnaanngilagut periarfisarsiorneqarnerusariaqarput aporfiusarsimasullu annikinnerpaaffiminiinnissaat anguniar-tuartaqarparput.

Partii Naleqqamiit isumaqarpugut inuiaqatigiinni pinginnaasatigit assigiinngissutsigit atorluarlugit inuiaqatigiinnut nunatsinnullu iluaqutissanngortissinnaagivut atuarfiqarnikkut ilinniartitaanikkullu naleqqussaallaqqinnitsigit aammalu uagut inuit nammineerluta naleqqussallaqqinnitsigit.

Naleqqamiit isumaqatigilluinnarpavut nunarsuarmioqataasut akornanni inuit oqartartut, nunarsuarmi inuiassuit akornanni siunissami annattussaapput, inuiaqatigiit taakku nunarsuarmut pisunullu naleqqussallaqqinnerpaasut.

Taamaamat Partii Naleqqamiit taamatut toqqammavilersuuterpassuit taakkartorsinnaasagut amerlagaluaqisut ilamininngui assersuusiaralugit oqariartuutigaavut ineriartorteqqinnissami atorneqarsinnaasut tamarmik pisariqartinneqarmata.

Partii Naleqqamiit Partiit allat suleqatiseraagut Atuartitaaneq Ilinniartitaanerlu pillugit nassuiaammik Naalakkersuisut Inatsisartunut saqqummiiussaqaqarnissanamik piumasagaqarnitsinni.

Tamnna avaqqummeqarsinnaanngimmat, tassami maannakkut ukiuni arlaqalersuini Naalakkersuisuniit ingerlanneqarpoq Atuarfeqarneq pillugu aqqissuuseqqinneq, aqqissuuseqqinnermi tassani kikkut suliamik ingerlatsippat ? kikkut suleqataatinneqarpat? kikkut tusarniarneqarpat? Aap, aqqissuuseqqittunut suut Naalakkersuisuniit suliaqarnissutit piumasagaataappat? Aap meerartatta atuarfinnguut pillugu aqqissuuseqqinnermi sumut killippugut? Apeqquterpassuit saqqummersut amerliartuinnassapput suliat taamaattut paaseqatigiilluta ingerlattanngikkutsigit, taamaamat nassuiaammik saqqummiisoqarnissaa pisariqarluinnarpoq!

Aamma Partii Naleqqamiit isumaqaratta ilinniartitaanikkut aammalu ineriartortitsuarnissamut suliaqarnermi nunaqarsuarmioqatitsinnut unammillernerusumik inissisimaleriartuaarnissatsinnut avaqqussinnaanngikkippat ilinniartitaanerup aqqissuussaasumik aammalu nunap inuinit



partii naleraq

naleqquttumik imminullu ataqatigiinnerusumik eqaanagerusumillu periarfissarsiorluta inerisaajuarnerusariaqartugut.

Meeqqat atuarianni taamatullu inuusuttut ilinniarfiini aaqqissuussami unamminartunik arlalinnik peqarnerput isiginngitsuusaaginnarsinnaangilarput qanoq iliuseqarfigisariaqarlugulu.

Aaqqissuusseqqinnikkut ikioqatigiilluta iluarsisinnaassuseqartariaqarpugut. Meeqqat atuariiini meeqqat ilikkagaqarnerusarnisaat ingerlaavartumik anguniartuartariqarparput, meeqqat atuariiiniit anisartut amerlanerit ilinniarfinni assigiinngitsuni aallartittarnissaannut aqqutissiuunnerusariaqarpavut, taamatullu inuusuttut ilinniarnermiunit unititsiinnartarnerat apparsartuartariqarlutigu, qanoq iliuseqartuarnikkut inuiaqatigiinni katataasartut aannikinnerpaaffimmiitittuartariqarpavut.

Pisortanut aningaasatigut allaffissornikkullu kingunerisassai:

Siornatigut sulianut taamatut ilusilinnut tunngavigitinneqarsimasut qissimigaarlugit allaffissornikkut aningaasartuutit missingersorneqarsinnaaput, tassalu (AC-mik) sulisumut ataatsimut ukiup sisamararterutaanik imaluunniit affaanik naleqassasoq (125.000 – 250.000 kruunit) naatsorsuutigineqarsinnaavoq.

Namminersortunut aningaasaatigut allaffissornikkullu kingunerisassai: Soqanngilaq

Innuttaasunut aningaasatigut allaffissornikkullu kingunerisassai: Soqanngilaq